

Opuscula

Opuscula

I
C

A
E

C

I

A
S

I

A

(35)

GRADUS

ÆTERNÆ FELICITATIS,
Post completum laudabilis Vitæ cursum,
præcellenti virtuti, & præclaris in Ecclesia
DEI Meritis,

Illustris & Admodum Reverendi Domini,

D. PAULI MISKIEWICZ,

CURATI in PŁOKI,

Viri ob probitatem, prudentiam,
perenni memoria dignissimi,

ē Regione Cælesti,

PORRECTVS.

ac dūm,

In Ecclesia Parochiali in Płoki,
ultimō & intimō Christianæ pietatis obsequiō,
Cineres Mortalitatē ejus, tumularentur,

M. JACOBO JOSEPHO KEMPSKI,
In Alma Vniuersitate Cracoviensi Philosophiæ Doctore,
& Professore,

dolenti penna

EXARATUS

Anno, Solis Justitiæ gradum Virginis, in
terris ascendētis, 1714.

Die & Mensis Decembris.

CRACOVIAE, Typis UNIVERSITATIS.

GRADUS ÆTERNÆ FELICITATIS.

Quid agitis o Fata!
Quos fovere debetis, suffocatis.
Ah Parcæ! non parcè furore furentes,
etiam Virtuti non parcentes,
forſitan.,

Viros Sapientes, Orbis Phænices cenſetis,
ideo, eos in Cineres vertere, properatis.
Dum maximè Orbi, vivere incipiunt,
Acutam falcem experiuntur.
Phaetonteus à vobis caſus eſt,
è luce publica in mortales umbras labentibus.
Notum nunc arcanum!

Mundanâ ſapietia excellētes, nō ſolum obruere, vobis gratum eſt;
Etiam Cæleſti Enthufiaſmo animati,
Viri docti, ſapientes, prudentes,
Veſtram inexplebilem coguntur ſatiare orexim.

Bene qui agunt,
Fatorum invidiam merentur.
Si qui illuſtres olim apparebant; duris eclipſari debent
umbris.

Eheu!

Quam levibus pereunt ingentia cauſis!
Egreditur quaſi flos & velut umbra perit,
quamvis eminentioris Vitæ homo!

Aſt cedite Cæca Numina!
Invidia veſtra, ſignum eſt Cæleſtis gratiæ.
Ingens hic furor, mitem Deum conciliat.
Et dūm viventes deprimitis,
illis Gradum æternæ felicitatis extruitis.

Vir

Viri virtute præstantes,
etsi à vobis degradantur,
Digni profectò, quibus ad Cælestem Patriâ gradus,
ipse Phidias extruat.

Recipis, quod Tuæ probitati precamur,
Gradum beatæ Felicitatis,

Illustris & Admodum Reverende Domine,

D. P A V L E
MISKIEWICZ,
Curate in Ploki, Vir in Ecclesia DEI
meritissime.

Qui etsi inter fatales Cupressos,
vivere desinis,
immortalis vitæ palmam capis.

Vir hic,

Etiam in ipso sui exortu, felicem præferebat Vitæ finem.

Nondum ille ætatis prætextam exuerat,

& jam moribus maturus existerat.

Quæ Annosis vix datur prudëntia, hæc ille in juvenili ætate, floruit.

Præscivit Almam Universitatem,

Fontem esse scientiarum,

Extra fabulam, Atalanteo passu,

huc ad fatidicos cucurrit Cæphisos,

Ut præcellenti doctrina, tandem in Ecclesia DEI,
Oraculum appareret.

In primo ingressu ad studia,

Studium ei erat, pulchri Nominis.

Literis attendens, sine lite contedebat,

Ut quovis momento, declinaret à malo,

Cælestia bona possessurus.

Scandit Parnassi colles,

vel ideo,
Vt aeternorum Procurator donorum, inter Pierios Latices,
Caelestes Charites numeraret,

vel ideo,
Vt Apollinem Caelestem, rebus in humanis ludentem, cōcipiēdo,
Uberioribus Divinae gratiae alveis lotus,
Inter fabulas, veritatem cognosceret.
Utiq; magis opposita penes se posita elucescunt.
Fingere nihil sciverat,
nisi quod laborem, pro gloria sumeret.

Quantitatem temporis advertit,
Ut dignosceret, quō superet modicam vitam aeternitas.
Inde,

Pegasidum stipatus choro,
Tullij campos percurrere fatāgit,
Amānitate animum accensurus,
Infernalis hydræ,

Confurgentia in Ecclesia DEI Capita deterrere.
Ut Porphirij dolos perciperet,
Ad Logicales præceptorum tetendit vepres,
etiam ex pungentibus spinis,

Sinceritatis rofas collecturus.
Tandem post emensa Stagyrity stadia,
Philosophus optimus extiterat,
Cuncta negotia sic concludens,

Ut nec Divino, nec humano juri fuerit contrarius.
M I R A B E R I S,

hic, ubi desediosa submerguntur mentes,
Ille felix in hoc Eurippo Jalon,
Nec difficile aureum sapientiae gestans vellus, emerfit.
Tractatui de Caelis summè attendit,
in terris dux piarum mentium permanfurus.
De Anima bene intellexit,

quia totum tempus, in curam ejus impendit.

Ethicus exactus,

Quidquid intellectu de Virtutibus perceperat,

Ad praxim in vitâ reduxit.

hic jam,

Ubi aliqui, scopum scientiarum figunt,

Ille initia ad majora inivit.

Prævertit Theologica volumina,

supremam appetens divertentiam.

Prævidit Tractatus difficiles,

Facilem ad Visionē beatificā, Tractum percepturus.

De Voluntate DEI multum discurret,

à qua nec latum ungvem recesserat.

Universam de Deo sciētiā facile percepit,

hōc maximē ad bonitatem Divinam penetrans,

quod bene egerit.

Meliùs vivere dum satagit, fato nobiliore, mori desiderat.

Myſtes ad Aras DEI piſſimus,

Ætate & meritis venerandus.

Quem ſic grato una Natura munere, decoravit,

ut omnium delictum cordi, adhæſerit.

Ad pietatem dirigendam Monialium Clauſtri S. ANDREÆ
vocatus,

Virginea prece, januam Sponſi continuò pulſabat.

Extra Clauſtrum, clauſtralem vitam egit.

vel ideo ſub Cruce militavit Apoſtoli,

Vt ſequenti vitâ tutiſſimus eſſet.

Commedarius in Klimuntow,

Bene, comiſſum CHRISTI rexit Ovile,

toties accendens ad amorem Divinum, hominum pectora

quoties frigefacta, in fide Catholica, advertit.

In Exedris dum pandit oracula,

diviniores Delphos movere, videbatur.

B

O quàm

O quàm multas ore disertò, DEO conciliavit animas;
Quem Iovem ipsum dixeris,
Non unam sed sine numero, producentem doctò Capitis proprii
cerebrò, CHRISTI Sponsas.

**Hocce Munus in Koniufza exercens,
Hercules erat:**

Qui ita omnem molem, hujus laboris, sustentavit;
ut nemini herbam porrexerit.

Prudentia ejus, Ariadne fuerat,
Quæ errantem Theseum, etiam de maximis Labyrinthis vitiorum,
potuerat educere.

Atlas hic,

Omni par oneri, & muneri non dispar honori.

Hoc tempore præcipuè apparuerat;
dum maximos labores, in Ecclesia DEI sustentavit.
Adhæserat Magnis Nominibus tanti præstantia Viri,
Quorum tot vota pro se meruerat,

Quot canos in maturiori vita numeravit.

ROSIS SZEMBECHIS allectus,

**Mansionaristarum in Cathedrali Ecclesia Arcis Cracoviensis,
Senior creatus,**

hic in eo munere resplenduit;
Vt plurimorum pectora & favores in se, converterit.

Dilexit hujus Viri Virtutes,
Perillustis & Admodum Reverendus Dominus,

D. PETRVS. ORŁOWSKI,

**J. U. D. Canonicus Cracoviensis, Prælatus
Tarnoviensis Infulatus,**

Vir omni encomio major.

Quem ad altiores voluit promovere honores,
sed recusanti, sat meruisse fuerat,

Age calame!

vel inde magnum Virum denunties, quod gratijs Magnatum
circumdatas extiterit;
sic eum complectuntur affectu,

OPA

OPALINSCIANÆ & KORICINSCI- ANÆ DOMVS,

ut bene facientem Virum, non solum beneficijs munificentia
cumulaverint;

Ast beneficio Ecclesiastico donaverint.

Sic ad functionem Beneficij promotus, in Płoki,

In hoc munere, par oneri inventus,

Plebis subjectæ Animis,

semper addidit animum Cælestem.

Vitia nunquam sectari potuerat;

qui conjunctus probitati munita DEI loquebatur.

Præpositura in Szczekoćiny,

Præponi sibi tantum Virum optaverat,

Ni ejus modestia prohibuisset.

Ad varia Negotia vocatus,

Mira ingenij dexteritate,

Adeo suffecerat omnibus;

Ut nec unico passu ab affectu hominū recesserit.

Liberalitatem MISKIEVIJ,

Ornamenta Ecclesiæ in Płoki nuntiabunt.

Campanaria, quam proprio sumptu extruxit,

vehementiori sono, Orbi beneficia ejus, declarabit.

Hic Pastor Meritissimus,

Cuncta adversa, non averso pectore superans

Dura, magnitudine animi, frangens,

In hoc tantum frangibilis apparuit,

quod satis cesserit.

In Conventionibus Decanatus Neomontani, Notarius erat,

sed sine nota.

Indulgentiæ, quas apud Sedem Apostolicam Ecclesiæ obtinuit,

jam post fata indulgentiam ei Cælestem, impetrarunt.

Supra decem, post septimum annum, regiminis Ecclesiæ,

Terris desijt, Cælo vivere capit;

vel ideo, ut septem gaudia, à Mari gratiarum MARIA obtineret.

Festô ipsô Conceptionis Virginis Beatiss:

Verè Sodalis Marianus, Æternitati Nomē inscripsit;
Ut qui immaculatæ Conceptionis **MARIÆ**,
Zelotes extiterat,

Hoc die etiam, Angelorum choro, accederet..
Rosarium summè dilexerat,

Cui, brevi æternam vitam victurus, inscribi curavit;
vel ideo, ut illius Agni qui pascitur inter lilia cordi, adhæssisset..
vel ideo, ut post langvores & labores, molesti mortaliū cursus,
Melius quàm Pæstani vel Ierichontini rosis, animū recreasset..
Titulos BEATISSIMÆ in Litanijis exprimens,
*inter ipsas salutationes **MARIÆ**,*
terris valedixit.

Nullam agnitus amaritudinem:
Dulcissimi etiam Nominis JESV,
ante exodium vitæ,

Albo Confraternitatis inscribi voluit,
nigrò calculò nunquam dignus.
Nec potuit male mori, qui bene vixerat.
Aurea in Cælis sæcula victurus,

Reliquias B. JOANNIS CANTIJ,
Aurò comparari curavit,
penes eas mori appetens,
Hoc non nisi suum esse dixerat,
quòd illos venerandos Cineres,
in ultimo vitæ hujus puncto habuerit.

Munitus Sacramentis, cursum vitæ finivit,
Gradûs æternæ Felicitatis comprehensor.
Horâ tertiâ post mediam noctem, vivere desijt,

Qui semper media, propagationis honoris, TRINITATIS:
Sanctissimæ, desideravit.

Perennabit per Te, magnæ virtutis dotibus, doctrinâ & scientijs,

Patruus Tuus dilectissimus,

Excellentissime ac Doctissime Domine,

D. M. JOANNES MISKIEWICZ,

Philosophiæ Doctor, in Collegio Novodvorsciano Grammatices
secun-

secundarum horarum Professor, Scholæ Cathedralis in
Arce Cracoviensi Senior,

& dum ille Cælestes conscendit Gradus,
Tuas ab oculis, Cælesti solatio, abstergit lachrymas.
Non potest à Te bono affectu disjungi;
qui sanguine sanctus erat.
Beneficium animæ à Te poscit;
qui toties bene fecerat.

Nec invidendum ei mærore Cælum,
utiq; dignis resurgens factis,
illud pridem meruerat.

Permanebit quoq; in corde Vestro, Munificētissimus Benefactor!

Palladis, Generosi Cultores,
MICHAEL & ANTONI OLSZYNSCII,
Avunculus Vester,

Et qui Vobis, ab ipsis cenabulis, circa studia, tum pro futura
vita, gratias præstiterat;

Illi, grati, beatitudinem felicitis sæculi precemini.
Vivet in amicabilibus Vestrū pectoribus,
post peractum mortalitatis cursum,

DD. EXECVTORES,

Illustris & Admodum Reverende Domine,

D. PETRE PAVLE GAWLIKOWSKI,
Curate in Zalas.

Illustris & Admodum Reverende Domine,

D. FRANGISCE GAWLIKOWSKI,
Curate in Nowagorá.

Excell: ac consultissime Domine,

D. ADALBERTE KRZYZANSKI,
J.V. Licentiate Dignissime,

quorum,

Vehementem in Superos ardorem,
mentem pulchris artibus exultam,
delicatom conscientiam, actiones omnes encomio dignas, vidēs,

Ipse probitate clarus,

C

Ve-

Vestras dotes sic adamavit,

Ut fortunæ suæ portionem,
manibus Vestris commiserit.

Curatos, vel potius Curatores,

Cælesti antidotô, animarum

hominum, Vos sciens dignissimos,
suam Animam, curæ Vestræ reliquit.

Eminetis solerti judiciô, in occurrentibus laudabilibus factis;

propterea, properans ad Patriam,

in via, ejusmodi Promotores suos esse voluit.

Dum quoq; ad optata Cælestis gloriæ

pervenit Olympia,

faventibus, in præterita vita,

supremum precibus curabit Olympum.


Succurrite ergo Ejus manibus,

Ille in æternum, bene Vobis precatur,

ut citius consequatur,

Æternæ Felicitatis

Gradum.



P E R M I S S V

Magnifici Domini

RECTORIS.

te,
M
o-
m
o
es
er
ne
a-
ut

10
c.

y-
ti-
e-

卷之四

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

